



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm I. Ex literis.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

beant. Alioquin Episcopi ab ingressu Ecclesiae, alij verò ab officio & beneficio tamdiu suspensi manent, donec acceptum restituerint. Excipitur tamen, nisi Prælatis, aut alijs personis ex speciali privilegio, aut legitimè præscripta consuetudine, aut alia rationabili causa ius cōpetat redditus beneficij vacatis accipendi: Id verò ita intelligi debet, ut ante omnina ducantur debita, necessariæ item expensæ, aliisque onera beneficio in-cumbentia.

SUMMARIUM.

1. *Moruo Prelato, aut Beneficiato, fructus ab ipso collecti, & qui vacante Ecclesia, aut personatu percipiuntur, in eiusdem ecclesia, aut personatu utilitatem, vel futuro successori cedunt; alius est de fructibus à beneficiato collectis.*
2. *Bona alicuius censeri debent, deductis debitis; anni autem prouentus, deductis expensis necessarijs, & præstandis oneribus.*

¹ NOTANDVM I. Mortuo Prælato, aut beneficiato, fructus ab ipso collecti, &

qui vacante Ecclesia, aut personatu percipiuntur, ad eiusdem Ecclesiae, aut personatus utilitatem conuerti, vel futuro successori reseruari debent. Sed quod attinet ad fructus à beneficiato collectos distinguendum est cum Petr. Anchiarano hic: Vel beneficiatus habuit tantum administrationem reddituum, qualem habere solent Episcopi, & aliarum Ecclesiarum collegiatarum Prælati, tum indistinctè seruari solet, quod in hoc c. dicitur. Vel beneficiatus habuit dominium reddituum, sicuti Parochi, Canonici, & similes beneficiati habent: tum variæ sunt Ecclesiarum cōsuetudines. Quibusdam enim locis liberè testantur de Ecclesiasticis redditibus, quos collegerunt; imò ijs ab intestato morientibus proximi consanguinei succedunt. Qua de re dixi in lib. 4. Theol. moral. tr. 2. c. 3. q. 1. Alij locis Episcopus huiusmodi redditus accipit: quod per consuetudinem licitū esse potest, ut ex hoc c. constat.

NOTANDVM II. Bona alicuius censeri debent, deductis debitis; & prouentus anni æstimantur, deductis necessarijs expensis, & præstandis oneribus, l. fructus, 7. ff. soluto matrimonio.

TITVLVS XXXII. DE OFFICIO IVDICIS.

CAPITVLVM I.

Ex literis.

PARAPHRASIS.

Controversia orta erat inter Abbatem ac Conuentum Fosse nouæ, & Abbatem ac Conuentum Monasterij Canensis, su-

Yyy 3 per



Ostquam de Iudicibus tum delegatis, tum ordinarijs dictum est, subiicit Compilator tit. de Iudicibus in communii, imitatus nimirum ordinem ff. veteris, in quo post specialium Magistratum ac delegatorum Iudicium officia, agitur in communione omnium Iudicium iurisdictione, lib. 2. tit. 1.

per quibusdam possessionibus Monasterij S. Petri, quod erat subiectum Monasterio Fossenouæ. Sed quia pars ista Aduocatum habere non poterat, officium Archiepiscopi implorauit: Is Magistrum Romanum Clericum suum constituit ad patrocinium in causa illa præstandum. Sed Stephanus Canensis Monachus se opposuit excipiendo, quod is esset domesticus Iudicis delegati, vid. Archiepiscopi. Hæc oppositio cum ad Sedem Apostolicam perlata esset, respondet Honorius III. ea nihil obstante in negotio procedendum esse,

SUMMARIUM.

1. Monasterium agere potest pro iuribus ac possessionibus Monasterij sibi subiecti.
2. Ad officium Iudicis pertinet, ut prouideat Aduocatum Parti, qua habere eum non potest. Et si pauper sit, etiam gratis ille patrocinari debet.
3. Prouidendum ab eodem, ut aequalitas sit inter Aduocatos, ne proxima parte peritissimi, ex altera rudes & minus versati constituantur.
4. Religiosus in causa sui Monasterij, iubente Prælato, potest esse Aduocatus, vel Procurator.
5. Subditus, vel familiaris Iudicis potest esse Aduocatus partis litigantis, nec recusari debet.
6. Testis produci potest ex domo Iudicis ad instantiam partis. Is tamen tantam fidem non meretur, si Index ex officio procedat.

NO T A N D V M I. Monasterium agere potest pro iuribus ac possessionibus Monasterij sibi subiecti: quemadmodum Episcopus agere potest pro iuribus Ecclesiæ sibi subiectæ, vti colligitur ex c. sanctimus, 21. iun. Gl. ver. Episcopos, C. de sacro, Ecclesijs c. vlt. de success. ab intestato, iun. Gl. magna, & tradit hinc Abb. n. 1. Adeò, vt si Ecclesiæ parochiali v. g. quippiam iniuste ademptum sit, quam Parochus seu Rector,

tum etiam Episcopus actionem instituere possit. Vide quæ dicam in tit. i. de iudicij.

NO T A N D V M II. Si pars litigans Advocatum idoneum habere non posse, ob paupertatem, iudicij imbecillitatem, Aduersarij potentiam, aliamque causam, Index (sive is ordinarius sit, sive delegatus) ex officio illi prouidere debet, l. i. §. ait Prætor, ff. de postulando, l. nec quicquam, 9. §. Aduocatos, ff. de offic. Proconsulis, l. prouidendum, 7. C. de postulando. Et hoc casu Aduocatus compelli potest ad causam suscipiendam; alioquin, nisi iustum excusationem adserat, munere aduocandi priuandus, cit. l. prouidendum. Non tamen gratis officium suum præstare tenetur, sed cōstituto salario, quod clientulus hodie dare solet, cum olim ex publico Aduocatis salario statuta essent, vti Gl. monet in cit. l. Vide l. i. §. Honorarijs, ff. de varijs, & extraord. cognitionibus, ex c. vlt. 14. q. 5.

Sed quid, si clientulus pauper sit, qui salarium dare non posset, aut a gerimè posset, debetne gratis patrocinari Aduocatus, & ad hoc à Iudice compelli? Ita affirmandum cum Gl. hic ver. implorando, Holtensi, & Abbe hinc n. 5. Imola n. 6. Syl. ver. Aduocatus, q. 16. Idemque de Medico dicendum esse monet Imola, n. 7. si inops, qui curatione indiget. Idque manifestum est ex charitatis, ac misericordiæ lege.

His adde, quod in cit. l. prouidendum, præcipitur Iudici, ut attendat, ne pro una parte peritissimi Aduocati sint, ex altera rudes ac minus versati: Sed in indicantia officio sit, vt par causidicorum distribuiat, & exequatur paribus auxilium. Ad id vero iudices parum attendere solent; quamvis debent, si inæqualitas nimia sit, præsumt ob unius partis potentiam.

NO T A N D V M III. Religiosus in causa sui Monasterij, iubente Prælato, potest esse Aduocatus, vel Procurator, vti etiam dixi lib. 3. Th. mor. tr. 4. c. 26. n. 12.

NO T A N D V M IV. Subditus, vel familiaris Iudicis potest esse Aduocatus partis litigantis; neque ob eam causam recusari debet.

Si obijcas: Iudex ut suspectus recusari potest, si sit dominus partis litigantis &c. causam, 17.c. insinuante, 25. de offe. delegati: Ergo recusari etiam potest, si sit dominus Aduocati. Respondet neg. conseq. Nam causa magis pertinet ad partem litigantem, quam ad Aduocatum: quare manus perieulum est subvertendi iustitiam Iudicis, si pars litigans sit familiaris Iudici, quam si Aduocatus sit. Fatentur enim Hostiensis, & Abb. hic n. 6. Imola n. 9. Si Aduocatus veritus perpetuo assisteret Iudici non satis cordato, sed deceptioni atque affectioni obnoxio, iustum esse posse causam recusandi Iudicem.

Sed potestne testis produci ex domo Iudicis? Respondet Abb. hic n. 6. Vel Iudex procedit sua sponte, seu ex officio, tunc testis ab ipso productus ex familia sua, non tantum fidem meretur, ut alius quispiam: Vel Iudex procedit ad instantiam partis, tum nihil refert, ex illius domo seu familia testes produci.

CAPITVLVM II.

Iudicis.

PARAPHRASIS.

Cum Iudicis officium, loco actionis imploratur, ut cum restitutio in integrum principaliiter imploratur, tum litis contestatio opus est. Sint autem incidenter tantum ante, vel post ingressum causae, Iudicis officium imploratur, tum litis contestatio non requiritur.

SUMMARIUM.

1. *Duplex est Iudicis officium; mercenariū, & nobile: & hoc iterum duplex, interdum enim Iudex motu proprio, & ex merito officio procedit, interdum autem à parte, e.g. læsa, ius officium imploratur.*
2. *Discrimen inter actionem, & implorationem officiū.*

3. *Cum imploratur Iudicis officium nobile, principaliter contra certam personam, & cum cause cognitione, sit litis contatio, secūs contingit in mercenario.*

PRo intellectu aduertere, quod duplex sit Iudicis officium. Vnum actioni deseruens, quod mercenarium dicitur, quia illud impariū Iudex non potest, nisi præcedente actione, per quam peritur, quod sibi ab altero debetur, vti explicauit lib. 1. Th. mor. tr. 4. c. 5. n. 7. Aliud vero est Iudicis officium per se statu, & actioni non alligatum, quod & nobile appellatur. Id vero duplex est: Nam interdum Iudex à partibus non adactus, nec rogatus, motu proprio, & ex merito officio suo procedit, v.g ad inquirēdum, & criminā punienda. Interdum vero procedit, quia à parte, v. g. læsa, eius officium imploratur: Et hoc casu imploratam officium instar actionis est. Differunt vero actio, & imploratio officij: Nam actio supponit ius ex parte agentis, & debitum seu obligationem ex parte eius, contra quem actio tendit, Instit. de actionib. in princ. At vero qui Iudicis officium implorat, ius propriè nullum prætendit, sed æquitatem, propter quam Iudex succurrere potest, & quandoque debet. Quamobrem hæc officij imploratio extraordinarium remedium censetur, alias non instituendum, nisi cum ordinariū actionis remedium deficit, arg. 1. in causæ, 16. ff. de minoribus, & dixi lib. 1. Th. mor. tr. 4. c. 11. princ. Videri potest Bartol. in l. 1. n. 16. ff. de iurisdict. omnium Iudicium, Durand. in speculo, tit. de officio omnium Iudicium, §. 2. Imola hic col. 1. Abbas n. 2.

His intellectis, duæ ex textu nostro doctriñ notanda sunt. Prima. Si officium Iudicis principaliter imploratur contra certam personam, & necessaria sit cognitio causæ, tam post exhibitum libellum, fieri debet litis contestatio. Aduerte, quod dico, si contra certam personam, à qua aliquid petitur. Alioquin enim, si Minor natu, v.g. petat se restituiri, quia læsus est ex hereditate adita, & qua ablinere maluit, opus non est litis cōfessio.